

# Powšitkowne WOZJEWJENJA

njedźelu, 3. apryla 2022

## Wusyłanje Božich službow

Serbskorěčnu Božu mšu móža wěriwi tutu njedźelu, 3. apryla, w 9 hodź. z Chrósćic jako livestream scěhować. Link na nju je w interneće pod [www.posol.de](http://www.posol.de) a na wosadnej stronje podaty. Boža mša zeleny štwórtk, 14. apryla, w 20.00 hodź., kaž tež liturgija wulkeho pjatka, 15. apryla, w 15.00 hodź., so tohorunja jako livestream přenjesetej.

## Přiležnosć k swjatej spowědži w Róžeńće

**sobotu, 9. apryla** farar M. Anders, farar T. Dawidowski  
17.00 – 18.00 hodź. farar B. Jakubaš, farar dr. B. Dittrich

**póndźelu, 11. apryla** farar M. Anders, farar T. Dawidowski  
18.30 – 19.30 hodź. farar G. Wornar, farar dr. M. Kleiner

**wutoru, 12. apryla** farar M. Anders, kanonik W. Sćapan  
18.30 – 19.30 hodź. kapłan dr. J. Buliš, farar dr. B. Dittrich

Kóždy sobotu je do Božej mše za lud a kraj, kotraž so we 8 hodź. zahaji, přiležnosć k swjatej spowědži.

## Młodžina na křižowy puć

Křižowy puć modli so dekanatna młodžina bołmončku, 10. apryla, w Pančicach-Kukowje. Započatk je w 14.00 hodź. na klóšterskim dworje. Kóždy wosada njech přinjese swój młodžinski baner sobu.

## Póstny wopor młodžiny

Lětuši póstny wopor młodžiny je za džěci a młodostnych na Ukrainje postajeny. Pjenježne dary měli so na konto Drježdžansko-Mišnjanskeho biskopstwa přepokazać, IBAN: DE 65 7509 0300 0008 2948 79, hesło: „Póstny wopor Ukraina“.

## Koncert we „Wjelbiku“

Na koncert w rjedže „UNPLUGGED in BAUTZEN“ z komponistom a cellistom Drježdžanskeje filharmonije Rainerom Promnitzom su zajimcy póndźelu, 4. apryla, do Budyskeho hosćenca „Wjelbik“ přeprošeni. Započatk je w 19.30 hodź. Nimo swójskich kompozicijow, kotraž počahuja so na skulpturowu skupinu „Zhromadnosć swjatych“ wuměłca Ernsta Barlacha, předstaji hósć kruchi Oliviera Messiaena a Johanna Sebastiana Bacha. Zarjadowar rjadu je Budyski Ekumeniski tachantski wobchod. Koncert prezentuje Budyski Rotaryjowy klub.

## **Metody kubljanja dorosćenych**

Kak wobdźělnikow na seminarach abo dalekubljanjach aktiwnje sobu zapřijeć? Tute a dalše prašenja k metodam kubljanja dorosćenych steja w srjedźišću kubljanja, kotrež wotměje so sobotu, 30. apryla, wot 9.30 do 17.30 hodź. w Smochčanskim kubłanišću swjateho Bena. Referentka budže Anja Köhler z Berlina. Dalše informacije kaž tež móžnosć přizjewjenja namakaja zajimcy na internetowej stronje Ewangeliskeho kubljanja dorosćenych Sakskeje (EEB), kotrež je sobuzarjadowar seminara. Link je pod [www.posol.de](http://www.posol.de) wozjewjeny. Na zarjadowanju plaći regula 3G.

## **Energijowe rezerwy zaso napjelnić**

Smochčanske kubłanišće swjateho Bena přeprošuje zajimcow na kurs pod heslom „Fit do nalěća – bazowe posćenje, wokřewjace pućowanje a žórło k čerpanju mocow namakać“. Tutón wotměje so wot štwórtki do njedźele, 21. do 24. apryla, w Smochčicach. Mjez druhim zeznajomja so wobdźělnicy z nowymi pućemi, kak móhli swójske energijowe rezerwy po zymje zaso napjelnić. Nadrobniše informacije dóstanu zajimcy w Smochčicach kaž tež na internetowej stronje kubłanišća. Link je pod [www.posol.de](http://www.posol.de) podaty. Přizjewjenja přijimuju hač do njedźele, 10. apryla. Ličba wobdźělnikow je na dwanaće wosobow wobmjezowana.

## **TCM hromadźi pjenjezy za ukrajskich čěkancow**

Towarstwo Cyrila a Metoda z.t. (TCM) hromadźi ze swojej akciju „Łužica pomha“ pjenježne dary za ukrajskich čěkancow w Pólskej. TCM přewostaji dary Cariće w Ełku. Jeje direktor prelat dr. Dariusz Kruczyński, wjele lět partner TCM, praji, zo pomhaja tuchwilu najbóle pjenježne dary. Trěbne twory za čěkancow móža sej w Pólskej kupić. Štóž chcył domapytanu ludnosć podpěrać, njech přepokaza pjenjezy na konto TCM: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóž sej darowansku kwitowanku přeje, měł swoju adresu podać.

## **Jězba w lěću za šulerjow 5. do 8. lětnika**

Dekanatne dušepastyrstwo džěci přeprošuje šulerjow 5. do 8. lětnika w lětnich prózdnotinach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod [www.posol.de](http://www.posol.de) podaty.